

Dâhiliye Vekâlet-i Celîlesine

Büyük Millet Meclisinin 19/4/[1]341 tarihinde mün'akid yüz altıncı ictimâ'ının birinci celsesinde kabûl ve tasdîk edildiği Cumhûriyet Riyâseti Celîlesinden mevrûd 21/4/[1]341 tarih ve 6/237 numarolu tezkire ile iş'âr buyurulan ve cumhûriyetin i'lânına müsâdif 29 Teşrîn-i Evvel gününün milli bayram addine mütedâ'ir olan 628 numarolu kânûn sûret-i musaddakası leffen takdîm kılınmıştır.

Bi'l-umûm vekâletlere ve mülhak makâmâta yazılmıştır.

Başvekil

İsmet

Kânûn numerosu 628

Cumhûriyetin i'lânına müsâdif 29 Teşrîn-i Evvel gününün milli bayram addi hakkında kânûn

Madde [1]- Türkiye dâhil ve hâricinde devlet nâmına yapılacak milli bayram merâsimi cumhûriyetin i'lân edildiği 29 Teşrîn-i Evvel günü icrâ edilir.

2- İşbu milli bayram merâsiminin tarz-ı icrâsıyla sâ'ir bayramlarda icrâ olunacak merâsimin tarzı İcrâ Vekilleri Hey'etince ta'yîn olunur.

3- Bu kânûn neşri tarihinden mu'teberdir.

4- Bu kânûnun icrâsına İcrâ Vekilleri Hey'eti me'mûrdur.

25 Ramazan 1343 ve 19 Nisan 1341